

**J.P. MEĐUNARODNI AERODROM "SARAJEVO" D.O.O.**

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11, JIB 4200068970001; Carinski broj 200068970001
RACUN: 3387302205238447, UniCredit banka d.d. Mostar, BH

Vrsta dok.	Izdavač	RB
DOP	2 01	4314

Strana:
1 od 1

Broj protokola:

DZ-1.04-7-1615-17/19

JAVNO

DATUM: 30.05.2019

PRIMALAC: BLUE RIVER d.o.o. Sarajevo
SAMAS d.o.o. Sarajevo

PREDMET: Obavijest: Nabavka robe - Štampani materijal

VEZA:

Poštovani-a,

Na osnovu člana 71. Zakona o javnim nabavkama ("Službeni glasnik BiH", broj 39/14), obavještavamo vas da je, nakon okončane procedure prikupljanja ponuda za nabavku robe: Štampani materijal, provedene metodom Konkurentski zahtjev, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo koja vam se dostavlja u prilogu, prihvaćena ponuda ponuđača BLUE RIVER d.o.o. Sarajevo.

S poštovanjem,

DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru za PKO poslove
5. Sektoru finansija
6. a/a

DIREKTOR

Armin Kajmaković



	Tel	Fax	E-mail
INFORMACIJE	+387 33 289 100	+387 33 289 356	info@sarajevo-airport.ba
DIREKCIJA	+387 33 289 200	+387 33 289 201	direkcija@sarajevo-airport.ba
OPERATIVNI CENTAR	+387 33 289 120	+387 33 766 841	opoc@sarajevo-airport.ba
FINANSIJE	+387 33 289 162	+387 33 289 234	finansijski@sarajevo-airport.ba
KOMERCIJALA	+387 33 289 177	+387 33 289 154	komercijala@sarajevo-airport.ba
WEB	www.sarajevo-airport.ba		



UPRAVA DRUŠTVA	Strana: 1 od 2
Broj protokola: 02-1-04-7-1615-16/19	JAVNO

Datum: 30.05.2019. god.

Na osnovu člana 70. Zakona o javnim nabavkama („Službeni glasnik BiH“, broj 39/14), a u vezi sa članom 21. stav (1) tačka 2) Pravilnika o nabavci roba, usluga i radova u J.P. Međunarodni aerodrom "SARAJEVO" d.o.o. Sarajevo i člana 45. Statuta J.P. Međunarodni aerodrom "SARAJEVO" d.o.o. Sarajevo, te Izvještaja i preporuke komisije za nabavku robe: Štampani materijal, imenovane Rješenjem broj: 02-1-04-7-1615-5/19 od 15.04.2019. god., Uprava J.P. Međunarodni aerodrom "SARAJEVO" d.o.o. Sarajevo na 109. sjednici održanoj dana 30.05.2019. god., donosi

ODLUKU

I

Prihvata se ponuda ponuđača BLUE RIVER d.o.o. Sarajevo, broj: 19-04/BR-19, zavedena na protokol Naručioca pod brojem: 04-6-04-7-1615-11/19 od 22.04.2019. god., za nabavku robe: Štampani materijal, koji je ponudio cijenu za navedenu nabavku u iznosu od: 39.912,30 KM (slovima: tridesetdevethiljadadevetstodvanaest i 30/100 KM), bez PDV-a.

II

Po proteku rokova za reviziju Naručilac će pozvati izabranog ponuđača radi zaključivanja ugovora o nabavci robe iz tačke I ove Odluke, kojim će se regulisati međusobna prava i obaveze ugovornih strana.

III

Izabrani ponuđač je, u roku od 7 (sedam) radnih dana od dana prijema Obavijesti i Odluke o izboru najpovoljnijeg ponuđača, dužan dostaviti Naručiocu, originale ili ovjerene kopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku robe: Štampani materijal, direktor J.P. Međunarodni aerodrom "SARAJEVO" d.o.o. Sarajevo donio je Odluku o pokretanju postupka nabavke predmetne robe, broj: 02-1-04-7-1615-1/19 od 05.03.2019. god., a Rješenjem o imenovanju komisije, broj: 02-1-04-7-1615-5/19 od 15.04.2019. god., imenovao Komisiju za provođenje postupka nabavke.

U skladu sa navedenom Odlukom, Naručilac je objavio obavještenje o nabavci na portalu javnih nabavki, broj obavještenja: 246-7-1-299-3-28/19 od 11.04.2019. god. Do ostavljenog roka za predaju ponuda, 22.04.2019. god., do 12,00 sati, na adresu Naručioca ponude su dostavila 2 (dva) ponuđača, i to: BLUE RIVER d.o.o. Sarajevo i SAMAS d.o.o. Sarajevo.

Na javnom otvaranju ponuda, koje je održano isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene.

Nakon javnog otvaranja ponuda, Komisija se sastala radi njihove detaljne analize i konstatovala slijedeće:

-Ponuda ponuđača BLUE RIVER d.o.o. Sarajevo je dostavljena u skladu sa uslovima zahtjevanim Tenderskom dokumentacijom te je ocijenjena formalno - pravno, tehnički i računski ispravnom i prihvatljivom za Naručioca.

-Ponuda ponuđača SAMAS d.o.o. Sarajevo nije dostavljena u skladu sa zahtjevima Tenderske dokumentacije.

Naime, tačkom 2.1 Tenderske dokumentacije Uslovi za učešće i potrebni dokazi, pod h) od ponuđača je traženo dostavljanje Izjave po članu 45. (ANEKS IV), koja mora biti ovjerena kod

nadležnog organa. Ponuđač nije dostavio traženu Izjave po članu 45. (ANEKS IV), ali je dostavio dokaznu dokumentaciju koja potvrđuje Izjavu.

Kako je tačkom 2.3 tenderske dokumentacije utvrđeno da je ponuđač kojem bude dodijeljen ugovor dužan ugovornom organu dostaviti originale ili ovjerene kopije dokumenata traženih tačkom 2.2, ne starijih od 90 dana od dana dostavljanja, te da ponuđač također može dostaviti sve tražene dokumente odmah uz ponudu, ali i u tom slučaju MORA dostaviti izjavu o ispunjavanju uslova iz člana. 45 ZJN. (Aneks V), konstatovano je da Izjava po članu 45 nedostaje u ponudi ovog ponuđača.

Također, ponuđač nije dostavio odgovarajuću potvrdu o dobro izvršenom poslu zahtjevanu Tačkom 2.1 Uslovi za učešće i potrebni dokazi i to pod j). Navedenom tačkom je zahtjevana potvrda o dobro izvršenom poslu, međutim potvrda koja je dostavljena izdata je dana 05.09.2016. god. za period zaključenja ugovora od tri godine i potvrđuje da je u toku realizacija ugovora, a ne da je ugovor realiziran, kako je to traženo tenderskom dokumentacijom.

U dostavljenom Obrascu za cijenu ponude ponuđač nije popunio kolonu 3. Zemlja porijekla, što je zahtjevano Tenderskom dokumentacijom, Aneks II Obrazac za cijenu ponude, u napomeni, kako je to propisano i u ZJN BiH.

Uz ponudu nisu dostavljeni uzroci koji su zahtjevani Aneks-om II, Obrazac za cijenu ponude.

Ponuda ne ispunjava uslov preferencijalnog tretmana.

Imajući u vidu naprijed navedeno, komisija je ovu ponudu ocijenila formalno-pravno neispravnom i neprihvatljivom za Naručioaca.

Za ovaj postupak nabavke bila je predviđena e – aukcija za kriterij cijena, koja nije provedena, jer je dostavljena samo jedna prihvatljiva ponuda.

S obzirom da je Naručilac izvršio prikupljanje ponuda metodom Konkurentski zahtjev, gdje se, u skladu sa članom 89. stav (3) Zakona o javnim nabavkama dodjela ugovora može izvršiti u slučaju prijema samo jedne prihvatljive ponude, to je Komisija ocijenila da postoje uslovi za nastavak postupka nabavke predmetne usluge.

Vodeći se gore navedenom činjenicom, te činjenicom da ponuda ponuđača BLUE RIVER d.o.o. Sarajevo, za nabavku Štampani materijal, u cjelosti ispunjava uslove date u zahtjevu za dostavu ponude uz ponuđenu cijenu od: 39.912,30 KM (slovima: tridesetdevethiljadadevetstodvanaest i 30/100 KM), bez PDV-a, Komisija je predložila Upravi J.P. Međunarodni aerodrom "SARAJEVO" d.o.o. Sarajevo da se ugovor za predmetnu nabavku dodijeli ovom ponuđaču.

Uprava J.P. Međunarodni aerodrom "SARAJEVO" d.o.o. Sarajevo je na 109. sjednici održanoj dana 30.05.2019. god., razmotrila dostavljenu preporuku Komisije, te je, nakon uvida u cjelokupno provedeni postupak, istu prihvatila.

Imajući u vidu naprijed navedeno, Uprava J.P. Međunarodni aerodrom "SARAJEVO" d.o.o. Sarajevo je, na osnovu člana 89. stav (3) a u vezi sa članom 70. Zakona o javnim nabavkama, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa, J.P. Međunarodni aerodrom "SARAJEVO" d.o.o. Sarajevo, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

Prilog: Zapisnik o pregledu i ocjeni ponuda

DOSTAVLJENO:

1. Ponuđačima
2. Upravi Društva
3. Sektoru komercijale
4. Sektoru finansija
5. Sektoru za PKO poslove
6. a/a

DIREKTOR

Armin Kajmaković

